

靜

歎

齋

遺

文

靜獻齋遺文卷三目錄

寄湯義仍先生書

寄江西陳宗師書

與陳大兄書

答陳璽卿太始書

與董玄宰太史書

與玄宰先生書

與玄宰先生書

答玄宰先生書

與周方叔

與韓求仲

與韓求仲太史

荅吳康侯書

與吳康侯書

與吳康侯書

復茅止生

荅王亦房書

與范長倩參藩書

與范夫人書

荅丁長孺書

荅孫孟樸書

荅朱季直

荅孝若舅

荅韓仲弓

荅潘昭度

荅潘昭度

荅潘昭度

三

與潘朗士

吳凝父刺舌血書楞嚴呪頌

贈澹如上人血書華嚴偈

募放生疏

靜歎齋遺文卷三

西吳董斯張遐周著

寄湯義仍先生書

僕自襁褓時誦博士家言日口湯先生文不置暨成人益知先生鉅材麗藻江右少雙私真從先君子後獲備埽除之役而吳粵道長山川間之匡廬南峙側身浩歎曩所善李生從豫章來道先生義甚高倘儻負氣籠罩今古於筆墨之外恒露嚶嚶之致又須眉軒舉賓客盈座酒酣放歌不可一世大類孔北海之

爲人尋出先生所著傳奇數種大槩篇外寫神毫端  
舞世金艘還鮮琲玃並朗僕以此愈習湯先生已李  
生別去今夏復來謂僕云先生千里走使寓書相招  
李生一歷落可笑人也不儒不禪兼通韜鈴書性不  
喜貴人通儒抵掌罵坐任誕無檢以此筋於鄉鄰之  
人爭欲執而甘心而顧得如蘭之義於先生闕沉舟  
之謗績緇衣之咏乍接若素旣去增懷歎之相罵也  
以神則先生真神人哉僕少孤未習師保之教訓其  
材能亡以瘡人至意氣矜許所適寡諸文詎世臚品絕

鄉喙竊與李生者若有懷高風夙夜仰止敬藉李生  
爲介白媒名姓於左右邀先世之寵以畢腹心之願  
假巴童下里之音以附王翰托鄰之義若先生忘其  
驚散廁之洩洩惟是亡母粗掩蘂握便可舴艤遵大  
江而南挾刺晉謁與先生綜往昔之陳事商風雅之  
極變庶快夙心耳大集壽梓猶未寓目倘獲惠教貧  
里兒驟入五都市歡喜何量邪外亡兄傳奉覽僕家  
不幸奇節出于婦人先生覽而哀之或賜鴻筆使烈  
者不泯佩先生之德不敢忘其自先君子亦飲大義



丁黃壤敬再拜

寄江西陳宗師書

今日復得師所寄七月初九日書知玉體已霍然下  
情欣豫至于千里教誡千古見期雖石人間之當復  
感奮張獨何人而忍負此伏念吳越士族家抱靈蛇  
似都無當師意而所拳拳不能置懷者唯是不肖張  
與初士二生雖鹽車屢蹶而翦拂彌篤此寧弟以一  
帖括相許者哉虞仲翔有言海內獲一人知己死不  
恨况不世之知如師者而初士已驚委頓之疾斯張  
不淺性命之憂萬一忽先朝露無咫尺樹立捫心負

德何以自慰若徵大造稍假之年五六歲間不至齋  
恨而絕必期小有成就以對明德鞠躬盡瘁死而後  
已臣事君弟子事師一也卽初中後夜不敢耽放逸  
以遺師門羞積病未能料理尺幅獻歲或有著述當  
寬便寄呈耳

與陳大兄書

老師衡越士數千人荆璞靈珠奮起者非一姓乃老師所最喜心賞者楊初士及不肖弟兩人而已初士短折弟隨廢謬謂一旦霍然必有所建樹以報師門不次之遇何圖奄忽哲人其萎痛如之何老師清忠亮節大足砥柱頽浪師表末俗竟不獲盡展其學衣被海內含生荼苦如何可言張聞訃驚號恟怛不自主者累數月鼻膝疽稍差買蹇驢而南稍致心喪之誼而病與日積百餌靡効卽庭除間亦須兩人扶曳

蒼峰暮雲心與願隔敬遣奴子跼進生芻哀聲中作  
數語遙奠草燈無次率意而書不足寫悃歎萬分一  
也幸致之几筵比來太夫人及師母起居俱清豫否  
老年得無爲哀情所傷否區區之懷願大哥讀禮暇  
研洛公車之言尚友天下之士日新前聞無負先業  
師靈在天庶可深慰耳往歲曾讀長公郡試首卷靈  
心古筆聲爲奇嶂異時自是藥籠中物古人云調心  
如調弦法須緊緩得中更願大哥教子時亦作此觀  
弟此身一日不死定有晤期東來若有便鱗大哥幸

時時寄一語弟雖邈絕千里常對左右援翰哽塞不知所云

荅陳璽卿太始書

憶壬子入都辱執事國士之遇初終汲引不遺餘力  
直欲借之羽翰矯首霄路青松白水永矢弗諼不謂  
淪落之餘災豎相厄形體孱癯恒與死隣三山一羽  
風雲天末九月晦馬父母忽遣一剗獲執事所寄手  
書字字肝鬲如挹素風感極涕零不能自己執事振  
古豪彥豎立卓然丰采足矜式天下友臯輿而緝襲  
龍豈異人任張江左一老書生耳竟其所就亦是衛  
文之服寧復有黼黻琮璜可羞清廟方媿萊孱無以

副來望而執事懷之不置剪拂彌深重以移札邦君  
殷殷軫念步兵窮路憊焉若失執事敦昔賢深誼遺  
簪墜履亦復何所不勤惜僕非浮丘不能消受元王  
醴耳馬父母下車來鄉長者都云楊公後四十許年  
無此賢令渠一片藹藹直置萬家春臺中敝邑褊小  
近頗作武城氣息大邦多君子哉廢人無緣泰謁又  
不敢爲安邑累惟是執事屋烏誼敬銘夙夜何敢忘  
如天之福假執事節鉞一蒞吳越間頗可命兩小史  
挾廢人幕下一談否廣博物志往小時消暑具又病



督中漫付奴子輩董之殊不乏亥豕拙刻二冊出十  
年前手中有奉訓二詩附以傳遠耳短歌一章錄便  
面求政久不操南音無足采拾第感出胸懷視尋常  
不關痛癢語微有異郵筒中幸不輒垂和之虞卿老  
而奇窮鹿公字下計足辨投老策也

與董玄宰太史書

不肖伏枕三年神理委頓門外只尺隔如桃源卽濱  
鶴華亭空來清夢竟不獲訊起居於龍門者微漳睽  
之病不及此明公道茂人天光爭日月關西孔子東  
國中郎蕭雲則百濟句書白傅則雞林貴紙聲華千  
古竟持三寸桑翰坐而收之故使日觀慙聳卿雲失  
色造物小兒能無側目者哉國人醉狂泉之波儒生  
發詩禮之家朝家綱紀定不容此輩掃盡願明公執  
關中作幻影觀一切靜俟之武唐擊竹因緣所悟何

事何物魔軍能撓定力當遂一笑於事外也雲中有  
水晶宮是趙王孫故居高閣刺雲曲闌俯浪溪烟山  
月濯魄冰壺借此作東山亦自不惡謝公果有意乎  
悠公聞有雙徑之遊意將詣彼叅禮明公欲爲人外  
之賞者便當攜筇以隨耳

與玄宰先生書

昨歲辱明公車騎左顧適扶病過竹溪不獲一稟光  
儀比來膝疽遂如齊侯之瘡有加無瘳料理藥物視  
寶鼎却在天上然寸衷無日敢忘神對也金陵之後  
高文鴻冊應無遺憾頗有畸人逸士可入高隱獨行  
傳不五十年風雅簾子明公更無卸處石渠之副何  
妨流轉人間耶明公大耋孤辰復逢甲子海內英人  
以爲大慶計群賢爲明公祝者不過以一宰相未了  
公事張竊謂明公深炤禪悅一相何足重公第鍊石

補天手不籍此政事堂半席活人妙用無處施呈所  
拳拳與匹夫匹婦共禱耳俚言錄便面求正儻明公  
謂能寫意中事者幸不惜垂和之什所居草堂欲顏  
之曰孚尹敢乞明公作三字署書又一老衲求書六  
字佛號料長者不靳以筆墨作檀那也

原缺

荅玄宰先生書

張不謂奇疾一至於此枯坐五年強作抖擻態乖隔  
函丈積有歲月每謂西湖垂和之作便如山斗在眼  
耳聞簡在新命海內英彥蒙氣一開使廢人作數日  
狂躍便欲買舟相過而病輒不可支使者忽來錫我  
手教知青雀且遄發矣神飛遙渚懍懍如何北苑行  
旅圖爲故鄣姚氏物向歸亡兄伯念徃歲辱命索之  
家阿咸已成虎頭厨畫令人惘惘所示觚卣二種碧  
采古香陸離炤人倦眼摩娑直欲遊神三代酸措大

何敢蓄此異寶敬附璧他日雲煙錄中應添此一段  
佳話也



與周方叔

聞君子舊矣重疊思附詠白露而何從風馬靡及識  
紫氣而徒想邇迫還歸卒違顏色敬攄弱翰略陳蚩  
鄙僕聞面朋者體接而心遐道交者地渙而神洽槩  
其奇致有兩端焉若邇商顏不歸五嶽長遷攀八桂  
而淹畱茹三芝而縣邇刻意尚行矯矣莫續沿是而  
降則有藉雄文以投贊聞矜期而締結平原英玅亦  
委心於大兒瑯琊名族素旣識於阿士雲蒸礎潤松  
茂栢悅此之爲交抑其瓌矣吾子畱連經笥塵垢雕

俗揚文挾藻含任吐沈如彼髹筴蛟龍之狀欲飛等  
語美錦雲霞之文爭蔚每覲高製申詠反覆誠詞林  
之珪璧朝廷之遺寶而北宮薄命東郭長貧書成繁  
露未掃相國之門曲奏凌雲尚丐王孫之食流落若  
此爲君竊歎側嘗思之日月不延浮華易腐故鄙人  
無他專嗜獨契篇章所恨裒黜淺之愚操質木之性  
神經怪牒目所罔闕舐筆和墨精所不副而有同技  
癢因事便作盛覽則其賦未輟王壽則其書不焚志  
遠神遽求深笑淺宗黨以之譙讓室人於是交謫譴

其甚哉濁河靈蚌且孕千金之珠巴東采鶴猶吐三寸之綬豈有稟靈造物寓形區宇而墨守師訓淹滯故俗曾不能學一家著一言登之廊廟則洪冊非其長朋之戎行則草檄非其任是猶屈瓠杜櫟楚牛燕豕言之無文世曷賴焉微子與我孰任此事而波路壯闊無因觀止儻得執鞭服御列襟聯袍庶梧丘瓦甃躋宋人之迷北里皇夢動周郎之顧遐追金蘭之至契宜符杵臼之神交此吾生之奇蹤至精之所想邁也張雖真頑同此玄味豈可令幼輿任達瞪竹林

而搔首康樂標舉佇蓮社而榻翼敬再拜

與韓求仲

世間事便復到此金馬門一片地竟無韓夫子傲睨  
其間使太乙仙人亦知震旦中有不爲童子枝者當  
事憐才一念何至作無腸公子耶每晤孟樸兄知執  
事領逍遙第一義山月城烟不作二解此多生慧業  
所持天迴斗旋政自有日但恐松風戀戀不貪取十  
年宰相耳聞河陽之悼恨屢者無從奉唁端走奴子  
代將一束幸法外亮之幻影法門不能瞞門下雙眼  
那俟傍觀饒舌聞夫人素作寫經功德當一一付裝

潢家他日從山寺瞻禮施與一切盲女子作慧緣便是劉郎落葉哀蟬曲也

與韓求仲太史

不聞問便踰兩歲此世界飄覆雨雲視韓先生高枕  
空山橫經精舍腕中片語價走雞林較蠅營宦牒者  
直是高高山頂立矣先兄叔歿弱冠成乙未進士寡  
嫂李十六結縈僅十八稱未亡人從髧髧自營以來  
白石盟心青燈瀝血人盡憐其殊操鬼亦鑒其不欺  
三十餘年凜如一日事先宜人盡孝養又振澹鄉族  
救饑澤枯不可計昨丙寅歲臺使者始以狀上得賜  
旌先是叔歿喪自京師還未有血胤不肖張以最幼

弟先宜人命之服三年喪昨歲仲春張舉次兒詵爲  
兄後今七月嫂氏稱五泰矣所建坊適前一月嫂嫂  
氏苦心奇節若有幽贊張欲六月中稱觴微藉大手  
筆無以鋪張天寵使一段幽貞節經日月爭光敢乞  
靈於下執事幸卽錫之袞言砥世風而光史乘只在  
昌黎一案寧獨亡兄藉不朽也竊人未緣參叩肅遣  
一介代致拳拳涼儀侑撼萬唯涵亮不旣



荅吳康侯書

袖中吳郎字三歲不曾滅同心宛在葭露幾更片羽  
自瀾溪來忽得兄書及詩歡然以喜機清緒妙咄咄  
逼人轉使離魂黯如耳弟掩關以來日與竹椅蒲團  
爲侶而夙障故深病疽浹歲非唯乖我良觀亦乃道  
力輕微兄將何術救之虛受兄一瓣香欲爲弟燒却  
此事如學禪故當自出手眼無論弟詩不足學卽古  
來諸名家若依倚阡陌好法便成死句寄語劉君有  
最上一乘在何不自家體取二詩奉訓別楮附上刻

畫無鹽顧影自笑春來想多得意語便風不乏無冷

如音

與吳康侯書

蘇臺芳訊便復經年人非木石那能堪此時時手把  
高詠遂覺茂苑不花吳山無黛讀一過輒叫絕欲狂  
憶昨歲蹙依玉樹青松定交勝事宛新耳亦房旣作  
北人康侯又復善病齒齒之詠傷如之何病中懷足  
下不置漫成一短歌書扇頭送看古人云文生於情  
故非浪語若以此爲木李之報使我羞欲死矣弟年  
來已作病頭陀僧俗間都無所置卽筆墨諸緣久成  
夢境獨不能慙然桃華塢者所謂寒山一片石故未

許俗士能解亦是風生文字緣深死心同調足下向  
許我新作能卽見示者大惠也亦房聞有歸信不稍  
得消息幸相問

與吳康侯書

平頭來得兄手書兼讀雪箋小詞柔情麗藻見者魂  
駭故當吞柳吐秦髯學士銅琵琶氣魄正呵渠作門  
外漢耳昨復得兄書讀之讀未半雪涕不能止兄真  
熱腸男子哉不容然後見夫子蠢人成群作隊笑罵  
訕譏雙手捧文宣王印將與我輩總之眼孔不大者  
不敢容我可謂尊我敬我之極卽子之事父臣之奉  
上亦未有如此其隆重者但自恨多生業緣不知何  
故使俗人敬我至此只恐無福消之兄故慧人正臨

逆境時想同作此解也愁史如命壁上兄遽奪我明  
月珠耶

復茅止生

得所寄二詩如帝女彈絃非復常響直由浣花居上  
邇東阿餘子無能匹也弟入春以此爲第一快事諸  
公欲以賊遺君父唐人所稱養癰者肯使英靈如足  
下一吐康濟乎今中夫漉漉麗日半噎菰蘆赤米飯  
何如塞北黃沙耶弟病如昨去秋得一女子今已能  
笑頗爲眼前快活薄田沴水僅收二十餘碩賣田供  
糶亦不能鬱鬱作愁面也人生幾何爲田舍浸沒心  
腎耶別後頗有小著述未緣錄寄欲和足下二詩氣

靜獻齋遺文

卷三

已憚如弩人見項羽時俟氣定或抽一兩語耳聞朝  
廷欲以文徵仲何元朗處兄差亦不惡然兄于秋事  
業寧在此應不迂我語也珍重珍重



荅王亦房書

自去冬至今再得手書知兄念廢人不置感且切肌  
矣讀見懷詩清韻亮節如寒鶴叫空歌未竟輒淚浪  
浪下至馬使君賡唱之作精氣璀璨令人不可逼視  
抑何才之富機之新也古云詩非奇窮不能工造物  
以眼前困亦房未必不爲千古地它時看遍長安花  
以風雅兩字轉移天下無論李王諸君不敢自稱夜  
郎王卽黃初開元以還當有不見我之恨區區里左  
兒剝肝鬪技春鳥寒蟲何能與王孫伍哉弟不患足

下不雄長菰林正恐獲之遠而喪之近願早覓大刀  
頭擯迹當塵沉心制義使早有所豎立爲吾黨申眉  
較車塵馬足間得趣故不淺無忽無忽弟秋來作二  
詩相寄其卒章云云流聞兄有客齊意興遠道遙歸  
耳弟病且日深於此五濁世界畏之如酖日夜想作  
一聾瞽僧世間事無一相關便是蓬閬之樂獨朋友  
性命四字至死不能去心前垂絕時與兄一見纔瞑  
此段肝腸那得着纖毫欺誕所未有一字及兄者僻  
處孤村無便羽可寄又賢書諸君子新以一第驕人

不堪辨醜澠面目乞渠郵遞是以遲遲到今耳燕中頗有薄戚如茅沈二君曾未通寒燠卽知我如溫長卿者自足下入燕後弟有片語問消息乎弟禪悅以來齋頭不復置筆墨一似夏侯太初南中同調若東生止生其人望弟如異世人比恣公所親覩者兄亦以世法相稽非所望於法護也且兄以此責弟悠悠者流歲苞苴月簡牘挾書馳馬赤日中卽與兄無日不對問渠神情稍似羊左俠烈否弟以爲世情愈淺則交情愈深醴甘水淡古賢深契斯指兄閱世漸久

自當了之區區此懷欲兄于四方兄弟取秋實勿取  
春華耳狂語累帑顧影太息白雲在天離懷黯如

與范長倩參濟書

奴子自吳來始知往歲弟家北運事辱執事賜書千里之外長安當道念及其屋上烏秋毫皆范先生力也向弟病中神識瞽亂無以此相語迨今始知之執事高情俠骨真今人所絕無者滿眼親知秋風黃葉睽懷德音慚悚靡極矣弟邇耽禪味于塵事稍能謝絕恨根鈍識浮如蚊咬鐵牛向上一路絕無撈摸處世出世間恐復都成畫餅如何如何執事幻視一官締盟水石非多生道力所持何得飄飄霞舉若此正

清江雜錄

恐 朝家側席謝東山未免提鼻耳青山嘯咏定復  
盈篋數楮附上乞寫新作遺我萬無效向者化爲無  
是公也往險韻詩及二十絕句病中都已散佚能再  
出一通相示乎

與范夫人書

病中無時不念吾姊及僧照眠食邇來想復清豫爲  
解澗懷耳前二哥自吳中來備道姊夫人垂念感不  
去心弟已作人間棄物正使遂填溝壑亦復何恨而  
一段壘塊之氣從卅角以來眼中未肯作第二人今  
日遂寥落至此萬一飲恨而死精靈了了不沒不祥  
而爲日月則怪而爲虹蜺决不隨草木同腐非借空  
王法無以消其亢厲耳長鬚前持扇來得讀姊詩及  
王君詩王君何許人詩骨秀絕乃爾吳中稱詩者近

唯王亦房雄長此君他日要與亦房並驅中原可謂  
青箱之風不墜往歲弟家役事辱吾姊周旋弟病憤  
中無從聞此今始識其顛末門衰祚薄微吾姊卵而  
翼之那得高枕自肆感哉明德筆不能宣有數楮求  
書幸卽一揮姊平日所作行楷篋中亦復不少再惠  
三四本爲佳也



荅丁長孺書

久不相聞問時從汝占所得近耗知長公已佳勝爲  
快弟羸骨柴立神氣已死旦夕恨不卽暝與稽阮諸  
君子接手碧霄蟻蠓塵界執事勁氣干雲屹然波石  
松柏以寒歲爲相知道長之期當復不遠無戚戚謠  
詠也初士病且垂死深可念文運終陸沉耶

荅孫孟樸書

昨歲辱手翰遠貽便有數行附復想不浮沉我耶弟  
之於兄形骸雖復楚越而嚶鳴一念不敢自置於左  
右獨怪吾孟樸兄揆藻江左若不可一世而獨山澤  
癯如弟寸長無以瘡人乃臆間似有所急者又何也  
弟年來皈命空王於世俗文字不留一盼近陸君自  
郡至携兄文讀之初則驚中則喜再則狂叫不禁兄  
于團蒲上用幾許力而語語出自靈悟旌旗變色日  
月重朗能爲如此文那復以一第撓懷正當主盟中

靜獻齋遺文

卷三

夏於此道有移風變俗之權爲吾曹二三子一吐壘  
塊耳陸君復宣兄意欲弟僭題數語弟雖久謝筆研  
然於兄不敢愛其醜輒于枕上口占報命言之無文  
惟兄爲我藏拙可也熱風吹人投筆如火想兄此時  
南湖野艇畔憤浩歌可勝神往耶

荅朱季直

辱翰使遠頒知七邑鴻典假靈大手筆甚盛辱示先  
君子立朝梗槩門下錫類殷然銘感何喻先君黃門  
之命甫及而劒門萬里行瘴毒交侵遂痛不錄雖未  
獲青瑣間一陳讜議而靡盬盡瘁寔殞王事此真足  
爲國爾忘家者勸也至生平孝義力學薦於至性備  
許莊簡公行狀中一時未及勝寫望後可錄送弟積  
疾十年不良于行當疾病入苕一接緒論也力疾草  
謝不盡

荅孝若舅

春暮始得吾舅起居今已逼殘歲矣忽辱手札詢知  
玉體清豫諸表弟文業日新極是居山樂事聞小有  
魔妖計不能勝定力吾舅但晏坐道場將一莖草作  
降魔八萬杵耳承示北行便舟不便陸策無良於此  
者吾舅以命世雄傑留作今日舉子場人物天故老  
其材爲朝陽一鳴焦澹翁以五十首進士吾舅此其  
期矣張病廢以來久謝筆耒卽兩足不能料理誰及  
金馬門中事但生平骨頗不媚殊無夏畦之勞得婦

不知桓少君亦能以貧素自彌兒已出痘能學虎子  
感先伯念今復有孫稍足爲愁慘中一開顏色他復  
何異耶別諭紀綱事殊可怪笑今其人自訴舅氏前  
筆不能爲之述果有之似當爲一整頓也

荅韓仲弓

冲菴來辱所寄翰貺此兄行迫未有以復也山居詩  
及入山約居士風流等閑拈出便可令人醫俗適示  
諸兄詩俱不作塵中語蘭渚兄尤爲挺儻弟望氣已  
作歛手狀矣今歲頗效少年爲呶呶態夢中忽猛省  
昨非欲受文字戒情境小佳時當一爲吾兄破之此  
後當作陶令止酒觀耳乞吾兄書行願二卷書經帑  
附上新歲試筆以貝葉供代柏酒獻亦是獅子兒趣  
常格作用若以一卷轉託冲菴亦得纔種此緣此兄

三  
目便出青蓮華矣



荅潘昭度

昨辱門下降玉趾損清貺復翰教拳拳不督過廢人  
之疎節若將敝而又改者在台丈誠篤緇衣之詠第  
當之者非其任耳來命欲得不肖近製不肖往歲頗  
有所向妄欲論記今古之蹟直寫胸懷少時苦神氣  
不接復奪于公車言數年來一切廢閣僅有忝究一  
着胡床夜坐問幃風而已家稍有遺書爾時復多所  
購今已散爲烟雲不知入誰家書畫舫此際聞文章  
兩字如幾年冰雪欲覓姚黃門下椽筆縱橫定多錦

製往歲曾親所叙溫陵書無一烟火字能盡發篋中  
物垂示良藥也誠欲躬謁高齋兩足殊不副人意肅  
馳一介代將悽悽

書

荅潘昭度

小年閱宋元兩史每讀輒憤嘆窮日意妄欲做漢紀  
例成一書病廢來無人復理此論已十年許來教摘  
史家病都入人意中事不肖得數歲不死便可快讀  
名山之藏作生平未曾有想惜弇州精力爲謏墓所  
耗不知辦此一着台丈一雙法眼已搜空理學家蒙  
氣打點全副精神成此百許卷書李延壽劉昫諸君  
要須避楚三舍視肉食貴人幾如椽燭點竄金根車  
坐芸閣上作史官面目未知與台丈所得誰伯仲耳

辱論說郭一書偶爲一友借去過半月便遣奴子馳  
上無煩再使盛弘之荊州記聞之叔祥姚兄禾中向  
有抄本今已作子虛與尚書大傳俱厄於孺子手弟  
向來覓之政不可得吳閭錢少室諱允治乃叔寶氏  
之子渠尊人有隱行能寫山水障弇州亟稱之少室  
年已近九十許守先人藏書爲吳中甲有古栖逸君  
子風計彼中賢者如管席之兄必熟諳之若得止菴  
丈作數字貽席之借渠家書目此老人知台丈千古  
人物計不甚秘惜也愚谷先生前輩中錚錚者向一

詰其園了不知主人須眉何狀東都事略台丈自發  
一函索之此公不俗必有以應記室人苦立志不堅  
槩賓之鐵熟爲召之台丈具此一種奇情海內異書  
自當輻湊鄴架耳

答潘昭度

昨得手教知爲趙家了却三百年腐帳極是不刊鴻  
典宋史新編出閩中柯先生手渠條例頗可觀小恨  
筆軟不能發之門下想已寓目耶十年積書昨已隨  
手散盡學佛來政恐故帙遮眼今日始知此義亦是  
小乘人見地齋頭有陶轍耕說郭僅得半部恨訛字  
極多每一行輒有六七字不可讀鄴架所藏當甚富  
忽有此及周公制作時祇回首陽山頭問薇蕨也笑  
笑吳中惟錢少室家有奇蓄惜向來未識此君台丈

能作數字一詢否雪頭陀近復佳雙髻常相聞耶數  
年前促談四五月恐西來意不但傳燈口頭語便是  
了之嘗謂講僧家無疏鈔脚本禪和家無機鋒窠臼  
山是山水是水只要眼光不落便是衲子家風台丈  
試持此勘之或無徑庭狂言也

與潘朗士

不奉吾兄色笑倏焉數稔每簡扇頭清詠便對玄度  
耳左官得瓊花觀主亦自不惡仁兄但須以何水部  
處之神龍一目五化此間陸沈兄非久也聞近復置  
一明璫二十四橋洞簫咽月謫非儋耳廼有朝雲耶  
兄當構一小傳見遺弟爲兄作子夜數闕紀之弟與  
貧病會擁腫一室只藉蠹魚送日里中無書可假聞  
維揚府署有洪丞相隸釋隸續隸傳三書奴子有建  
業之役便道過揚欲覓此數種消病敢聞之吾兄弟



已備值付奴子勞一使者持刺到郡府印一兩冊弟  
得此書便可忍飢讀之了一歲事感兄昵非淺也

吳凝父刺舌血書楞嚴咒頌

文士筆端辯士舌縱橫押闔如河漢種種兢造生死  
業誰能持此續佛慧快哉居士發大心刺血書寫陀  
羅尼波畫俱作珊瑚光是舌非我呪非佛我清淨心  
無痛覺卽此究竟事堅固爾時大地情非情無不聞  
此讚希有如來寶光來灌頂虛空消殞魔境息若取  
法相求二嚴我說是人謗居士

贈澹如上人血書華嚴偈

古人求法忘其軀有如雪山聞半偈而此比丘堅忍  
力手持鍼鋒刺身血三年成軸八十一字字爛若晨  
霞鮮舍那九會儼未散法界光明現指端過此一百  
一十城文殊右手摩其頂乃知衆生毛孔內悉有經  
卷大千界娑竭羅宮不能藏龍勝大士不能誦須彌  
易摧海可乾此血不壞字不磨抹四天下微塵命不  
如書此一字德佛子勿作苦行觀具足普賢大願王  
是名精進波羅密以法供養諸如來人空得已法亦

然成等正覺一彈指攜供南洲東北方其山維何曰  
清涼同居凡聖雜龍蛇金色世界遙攝受南無毗盧  
遮那佛南無圓滿脩多羅南無妙德大和尚證明福  
聚不思議

募放生疏

我觀衆生當其臨命無不慘痛而況此蛙捧頭乞命  
冤聲暨天汝自不聞仁者觀之淚如鯁際况忍利刀  
酷相屠宰汝之前身亦復現此汝輩不知以此一飽  
如遇慧眼哀汝如蛙汝亦革囊欲持文字自鳴於蛙  
等無有異汝欲自鳴殺彼鳴者第一喪福蛙作因緣  
汝心忽開不忍下箸耳開眼值欲求生趣以是緣故  
福隨慈生泰氏居士爲選佛場作此法施信其語者  
福不可量心空及第世出世間是鼓吹園成極樂國

子韶以聞蛙得悟有撞破乾坤共一家之句秦氏復  
爲此蟲豸開一慈悲法門他時杜子飄香時莫要忘

却

靜猷齋遺文卷四目錄

書玉臺新詠序後

書紀宣符扇頭

織錦迴文記跋

書永明壽禪師安養賦後

書古德機緣後

書息心銘後

題報國斷手僧募緣二首

題放生卷

贈蔭松上人書楞嚴經

書鸚鵡賦後

書習鑿齒與桓秘書後

書絕交帖後

書夢曆後

書石鐘山記後

書圓澤傳後

書江淹報袁叔明書後

書覺範阿羅漢頌後



書李賀小傳後

書王無功與馮子華書後

跋董玄宰書池上篇

書李白江夏送人序後

書東坡放魚倡和詩後

書謝靈運山居賦注後

書羅漢贊後

又書李賀傳後

書菰苑卮言後

書黃魯直墨竹賦後

刪齋淨土詩跋

靜觀齋遺文卷四

西吳董斯張遐周著

書玉臺新詠序後

徐孝穆倡爲宮體以豔語傾天下其自叙書云優游  
俯仰極素女之經文若將終老溫柔鄉者乃後身爲  
鶴林威禪師竟傳懶融半枝佛法豈此君根性素利  
不負十二面觀音記薊耶抑天台爲真歸依處願力  
攝持遂能汨而復出耶纖焰可以燎原盪觴可以漂  
山六塵不惡還同正覺以此語起秀鐵而叩之當不

靜獻齋遺文

卷四

知賞罰何如也

書紀宣符扇頭

歲庚戌余與宣符讀書村北時駛雨乍停溪痕微長  
草透冷香花畱豔霧余兩人凭欄誦孤神遠矚高  
譚往還慨焉興唱大約兩人平生相似者三相異者  
一孩而孤似也奴握家乘生事轉落似也此遇也曠  
懷千古歷落自命一切世法無足寘雙眼啞咲都所  
不顧此性也似也宣符異才天挺每當落筆奇情橫  
逸神光四照良是東箭南金定非我曹所望天故以  
此限董生耳因念宣符王父北郛公尊人貢士公與

亡祖父俱爲筆研交締好甚篤乃宣符復不我差池  
同此臭味耶世間甘醴之交揆指徵心旦夕灰冷終  
其生不能定安知身後事能如我世世稱昆季耶願  
與君奮精墳典驤首雲路無隕前緒爲浮薄子咲嗟  
乎肝膽見許丹石不移筆墨之外別有靈契聞之長  
老者言比部及先王父少讀書法華梵涼燠攻苦摩  
厲刻至非古人不法比其貴相視責善不少別都無  
形骸唯賞士公之於先君也亦復如是男子生身天  
地古豪傑作事何不可爲他時但博一第豈足謝責

要使昂藏六尺軀風采流動天下矜式丈夫神合須  
爲此耳與宣符規我不逮衍我兩家世業以追賢達  
素交宣符曰然遂志之

青肅齋遺文

織錦迴文記跋

若蘭文生於情創末曾有思窮天漢巧黠錦襄孔北海離合之篇溫太真迴文之詠極其所之彌見其拙令後來抽黃儷白輩何處下手在易之渙象文章焉長女先於中男所從來矣然漢武誦長卿文悵不與此人同時一賦千黃金了無迴盼故知好文不如好色何物連波遽能神賞一老兵借一女子遂名百世青雲之附於斯爲信



書永明壽禪師安養賦後

首楞嚴云攝心爲戒因戒生定因定發慧淨土宗風  
總在裏許十六觀中只說是心作佛老胡折葢渡  
全提此令脚下馬駒逗漏不少後來五家男女弄盡  
精魂再出這圈纘不得把一句阿彌陀佛拋向伊  
識田中便是金剛圈栗棘蓬永明法眼嫡孫肉身大  
士他豈不會胡喝亂棒豎指却來吳越國裏實  
朴朴地將念佛法門教化娑婆衆生上報韶公法乳  
却也不得作平常會當時有僧問大師如何是大圓

鏡曰破沙盆會此一轉語纔許渠有蓮社中人氣息  
只恁麼口啞啞晝夜叫佛未夢見宗鏡堂老人在如  
今念佛叅宗兩家冰炭菩提場化牛李黨深可太息  
幻住有言禪者淨土之禪淨土者禪之淨土百年後  
纔得雲棲拈出千古迷雲一朝豁盡真可謂頂門上  
具眼有人道達摩一宗掃地盡矣使痛與一頓不爲  
分外

書古德機緣後

經云雖不依於言語道亦復不著無言說又云成就  
慧身不由他悟只如鉢分香積座借燈王眉光照於  
大千舌相屈於梵世爲是神通妙用爲是法爾如然  
一大藏教那一處不直指人心見性成佛祖師西來  
特爲後人點箇入路防他醋瓮裏作活計耳不爾印  
心誑籍楞伽付法何須般若若於此處直下薦得何  
佛何祖何禪何教正好一時掃却然却不妨建立門  
庭曇晦老子道今人問如何是佛曰卽汝心是便以

爲尋常有的道燈籠沿壁走天台大家謂是奇特豈  
不顛倒也作他觀者是爲邪觀

書息心銘後

息心銘一卷。載石頭參同契前。余細繹其義。  
大都引數名。歸般若玄關妙諦。殊少闡揚。始竊  
疑之。及閱黃澹翁集。乃知此僧故梁補闕宗悅。投簪  
入道。自號亡名。其語似悔少時所作後學初機。幾回  
落草。不可不置。庵石若撒手懸崖。漢子語言三昧。無  
非好事。這話大分。以圓錄燈者。移置入漸偈之後。庶  
得次第也。

題報國斷手僧募緣

吾里之南有報國寺創始者誰曰宋偉公丹腹歸然  
殿閣嚴麗勝國兵燹蕩爲烟墟百年以來無議復者  
淨雲比丘容止端靜精持羯磨自隸斯寺夙夜思惟  
願還舊觀其徒沙彌是曰慧裔童觀不輩齊茲願力  
今歲丙辰七月既望胡跪像前驟持霜刃解其左腕  
置寶几前而自誓言此寺不新永斷佛種爾時身血  
飛射數步其腕忽然躍出於檻大衆聞已各詣其所  
雲集讚歎俱發聲言南無佛陀或復悲泣恭敬頂禮

題放生卷

總十方香水海是箇放生道場盡三世調御師無非  
流水長者這邊放去何處收來假饒不放不收未免  
瞞頭籠佃作麼生是透脫一句夜靜水寒魚不餌滿  
空載月明歸

贈蔭松上人書楞嚴經

海眼圓通耳根第一以手作耳十方一室阿呵呵筆  
端塑出一尊釋迦紙上跳出一個摩登伽點點畫畫  
魔佛佛魔魔佛卽且置試道未說此經以前迦陵仙  
音畢竟是箇甚麼切忌道着



書鸚鵡賦後

賦云豈言語以階亂將不密之致危正平似得入世  
三昧乃卒死於俗物之手鸚鵡洲前鸚鵡賦江天蘆  
荻雁吟風何其悲也借當時少會心于天山之遯寧  
至此極哉乃大兒及小兒性命俱落在阿瞞手裏而  
借面弔喪者亦不能自全文若早知有此何不一和  
漁陽絕乎因志此爲平原解嘲

書習鑿齒與桓祕書後

桓元子跋扈已成當時名彥不免汗沾手板彥威豪  
士故以溫爲海鷗鳥耳穆子爲元子介弟命世作佐  
語規諷之懷昭然風則俊邁景行良非虛語也

書絕交帖後

此帖卷後有云湘東所進絕交草書晉右軍豈天監  
祕府故有此本而懷琳僞託之耶然正使不借山陰  
名氏帖中一段奇矯之氣定不隨腐草共湮王著定  
闕帖本而爽鳩諸帖無復江左風氣黃涪翁辨之甚  
覈乃此本獨不爲天祿之藏故知侍書眼俗也董玄  
宰云大觀遠出淳化上此不隨人脚跟轉者

書夢曆後

書竟客豎一義曰這夢語理他作麼予曰南唐之南  
有古莽之國以覺之所爲者妄夢之所爲者真且道  
覺與夢是同是別遮裏明得去方知瘦居士夢曆快  
雲堂日記大徵真人功過格都盧是自己光明更問  
如之若何直待當生見彌勒

書石鐘山記後

此山無長公拈出至今猶作李渤見解余故曰此非  
彭蠡之石鐘而眉山之石鐘也往有僧遊楚歸話赤  
壁江際拳石耳了無奇觀得二賦便復千古江山佳  
勝造物與才士共有之綠野平泉不能爲政解人當  
以我言爲廣長舌耳

書圓澤傳後

蘇玉局爲戒和尚後身傳澤公事甚奇將無有強顏  
一出之悔耶永明大師三傳而爲宋景濂遂了華嚴  
一段公案竟不爲千巖老人印可淆訛在甚麼處試  
質之老坡

書江淹報袁叔明書後

文通有心人讀恨賦數十百言雄奇礫碗時浮筆楮  
之外豈能槁項黃馘追石戶以偕隱者有解嘲而後  
有投閣文士筆端如別淚出青樓胡可信也陶公千  
古異人必如此老佛可無設綺語戒

書覺範阿羅漢頌後

蘇黃俱有羅漢頌妙絕當世子恒喜書之寂音從雲菴學出世法忽得語言三昧嘗自叙云下筆千言跬步可待當時號僧中班馬其爲文合處直不減蘇黃兩先生兩先生偈頌久膾炙人間乃石門文字逢掖家少有蓄者予故爲手錄以遺好事



書李賀小傳後

僕往時曾有詩云殘書枕罷付秋燈猶恨秦關火未  
勝若使救饑須此物食前方丈竟何曾今日閱魯望  
記東野語掩卷歛淚復爲詩云君苗硯不焚豈憶華  
亭鶴仰面看屋梁不如及時樂一道者見之箴余以  
偈云一塊肉團妄生苦樂看書焚書二途俱錯問如  
何是不錯底者云二途裏會取

書王無功與馮子華書後

無功處隋唐之際一時將相如房杜玄成諸人皆北面受經於其兄無功醢雞視之獨銷魂焦華夫婦靖節以來一人而已渠胸中肯但作自了漢耶今世布衣自稱山人者流生平僅熟一冊摺紳便覽抄得舊詩幾字作俳優面孔於達官之前風雅二字掃地殆盡猶欺人曰通隱倪元鎮見之定須以一掌相贈何可人無功耳也子華曹陽人事親孝親沒廬墓有靈芝白光之祥子華蓋馮宿父云